

靈寶領教濟度金書卷之二百五十九 卷三

洞微高士開光啟苦真人審令具校  
靈寶通玄弘教水南先生林靈真編

科儀立成品

禳蝗設醮儀

步虛 燒香頌

各禮師存念如法

宣衛靈呪

五星列照 煥明五方 水星却災 木德致昌  
災感消禍 太白辟兵 鎮星四據 家國利亨  
名刊玉簡 字錄帝房 乘颺散景 飛騰太空  
出入冥無 遊宴十方 五雲浮蓋 招神攝風  
役使萬靈 上衛仙翁 與道合真

鳴法鼓二十四通

无上三天玄元始三炁太上道君召出臣身  
中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當居此間土地里  
域真官正神急上關啓臣今奉為八齊君以  
令陞壇設醮願符

玉清道炁靈寶妙光下降流入臣等身中即  
使玄壇清淨內外成其天無氛穢地絕妖塵  
琳琅振響十方肅靜萬魔不干其誠上徹令  
臣所啓速達俾御  
太上无極大道至真玉皇上帝 御前

請稱法位

具位臣某與臨壇官眾等謹同誠上啓  
太上无極大道玉清聖境元始天尊妙无上  
帝上清真境靈寶天尊太清仙境道德天尊  
混元皇帝玉皇大天尊玄穹高上帝中天北  
極紫微大帝太微上官天皇大帝后土皇地  
祇九天生神上帝五靈五老上帝三十二天  
帝君上清十一大曜星君南斗六司真君北  
斗七元真君二十八宿星君天田星君八穀  
星君泰玄樞機三省上相真君靈寶五師真  
君三元三官帝君北極四聖真君三天曹局  
諸司真君十方無極飛天神王五天三界大  
魔王三天門下三元真君上章詞表靈官三  
洞四輔經籙法科上相高真神仙將吏五嶽  
五帝真君五天聖帝名山洞府洞天福地靖

廬治化得道仙官本派祖玄真師經籍度師  
真人東嶽掌籙稍稼仙官掌蝗蟲案仙官田  
家祀典聖眾地水二司城隍社令里域土地  
三界官屬一切真靈臣聞祖炁鴻濛審彌羅  
於五太神光混洞潛照煥於三才真風磅礴  
以恢張聖日陸離而幹運上極無上莫逃經  
緯之中高拱彌高孰越陰陽之表生成有賴  
化育無私臣等螢燭短材蚶鳴弱韻迴黃抱  
紫徒繁塵棘以卑棲出青入玄莫附煙林之  
高蹈由中切切語上兢兢緬惟補過以立功  
所貴學真高領教今醮官某等勤奉葛志激  
越葵忱慨田禾之將成遭妖蝗之盡蝕修齋  
築壇諒荷掃除設醮鋪壇盍陳報効敢露纓  
紉之敬爰伸螻蟻之私欲望帝監昭回天心  
洞煥千乘萬騎俱行幸於玄虛九鳳八鸞普  
來臨於碧落十極之丹與混合九華之綠葦  
恭隨三界翼轅萬仙歸駕式副再三之禱不  
遺萬一之懷臣等不勝奉切祈俟之至謹稽  
首再拜奏請

請聖 初獻

重稱法位

具位臣某與臨壇官衆等謹同誠上啓  
三清上聖十極玄尊圓穹之帝右仙真方域  
之曾僚主執醮筵內外一切威靈臣聞八威  
龍文微妙散赤明之始九霄鳳炁光華凝延  
康之初皆上贊於九皇而下敷於三極道非  
常道連日月而運星辰玄之又玄莫山川而  
輒草木人稟靈於四象性並立於兩儀得一  
分精函三孕粹倘彈誠之傾倚盍昭聽以留  
情今醮官某額天拳拳扣地切切念田疇之  
將熟罹蝗螟之肆災結陣如雲歷林木盡殘  
其枝葉遂群若雨遇禾稻都嚼其根株掩白  
日以無光障青山而失翠農人愁歎野老舉  
呻既顆粒之無收曷豐登之有望切慮居聯  
井落家近叮咛指日月而唾星辰怨虹蜺而  
怒風雨厭棄五穀不思衣食之有源愆忽三  
綱自恃飢寒之莫及救生淫祀送死虛悲感  
應篇之條伴昭然豈知戒懼中誠經之憲章  
爛若弗念將持致顯錄於玄曹遂大書於黑  
籍易招神怒因降天災首過靈愆倘不精於

懺謝迎祥集慶易克保於康寧廣築星壇恭  
鋪月陸真十華之龍聖旌葆飄飄羅四極之  
鳳縵香花精榮修齋諄切設醮勤果願盡禘  
於前非期普錄於今是驅蝗遣戾赦惡除殃  
俾穰穰豐高下之田庶離離實小大之粟全  
家飽暖闔室歡愉寸丹恭露於青詞尺素敬  
陳於洪造謹當宣奏仰冀監知

宣詞

詞旨具陳聖心昭應威顯咫尺格葑菲以時  
款醉容再三詢藹藹而日監頌繁可薦黍稷  
非馨月竊流明間步虛之縹緲雲鑪振響隨  
梵唱之徘徊龍篆騰百和之芳風炬榮五華  
之麗珠弄泛玉翠竿流金奠垂惠下之仁恪  
副由中之禱臣不勝虔切俟命之至  
亞獻

重稱法位

具位臣某與臨壇官衆等謹同誠上啓  
三清上聖十極玄尊圓穹之帝右仙真方域  
之曾僚主執醮筵內外一切威靈臣聞視聽  
自民孰謂人道通而天道遠禍福由己誰察

此心福而彼心吝故災祥發在德之言而慶  
殃由作善之判奉幣以告既精投之階通設  
醮而陳諒監臨之密應伏願蝗蟲遁迹戾炁  
除蹤田畝豐盈行是刈而是穫黍稷成熟獲  
以饋而以春入庶之鳥邪如雲翻匙之白粲  
若雪室家鼓腹閭里舒眉坐看大有之登矣  
當小康之喜村村鼓舞處處謳歌白日舒暉  
長幼歡生於夏屋清風宴樂早喜決於春  
臺壽域挺椿柱之榮福鄉茂芝蘭之秀鼓琴  
鼓瑟有鏡鸞好合之華吹埙吹篪表原鶴急  
難之威蒙如丹雘允拜洪休次頌臣等宴坐  
學真脩持領教精凝偃月黃庭默運於雌雄  
炁貫細風丹室潛通於經緯獅頭綴武龍尾  
承顏入贊天工證陰功之八百出禪帝化全  
陽行之三千克為金闕之臣永侍玉皇之采  
上願三光煥耀四炁朗清地紀安寧天綱昭  
晏醴泉應瑞圖書開九有之華湛露流祥文  
軌顯八荒之象極武功於底定敷文治於時  
雍草鞠團扉慶熙熙而阜俗芝頌方域樂侃  
侃以綏邦動植咸寧飛潛均茂臣不勝虔切

之至

終獻

重稱法位

具位 臣恭與臨壇官衆等謹同誠上啓

三清上聖十極玄尊圓穹之帝后仙真方域之曹僚主執醮筵內外一切威靈以今銀河南轉壁月西沉夜漏正中金瓊輪之欲返宵墜已半覺瑤華之將迎龍衛之響蹕聲沉鳳路之鳴鞘韻玲諧天復位萬聖旋班奕奕靈光遍十華而煒燁慈慈佳氣覆八極以網緼。臣不勝瞻戀激切惶息之至謹稽首再拜奉送聖駕

回辨頌

存神燒香

香官使者左右龍虎二君侍香諸靈官當今臣設醮行道之所自然生金液丹碧芝英百靈衆真交會在此香火爐前今臣學道得道求仙得仙焚感消滅民物安全十方仙童玉女侍衛蘭煙傳臣向來所啓速達徑御太上无極大道至真玉皇上帝 御前

寶華圓滿疏引  
焚燎

靈寶領教濟度金書卷之二百五十九

正一天師清微弟子 洪百堅 製作

道教學術資訊網站

靈寶領教濟度金書卷之二百六十 黎四

洞微高士關光教苦真人審令具校  
靈寶通玄弘教水南先生林宜具編

紫英靈書品

靈寶大法紫英靈書攝召法始於唐葉天師漢劉天師皇宋抱一真人王太初次陸先生次田先生師道次路真官時中遇天師授此法葉仙官九齡自十六歲參授天心正法政和間在建康府禮路真官受靈寶大法應驗頗多但不能召攝亡魂顯現形影今老少親見耳昔於紹興十一年九月在處州城下隱仙院親遇昔路真官書室內所見者劉天師諱根天師隱山中時焚香禮拜叩齒出血三日內授余大法符圖祕訣天神名諱授畢不知所居後依天師所授秘旨行持並應誓言拔度幽魂不可計數觀今之行法建黃籙真士但得其一二耳縱有小可感應乃行天樞童子法然童子見法乃昔余真人流傳於世田師道之法無過如此今真士所行童子法亦不得其要妙余昔受於余真人召攝童子